

BATASUNAREN LEGEZ KANPORATZEA

Lezoko Ibaiondo egoitzari zigilua kendu zioten atzo, Garzonen aginduz

Abuztuaren 28an itxi zuten, Batasunaren jarduera oro lege kanpokotzat jo ondoren

Erredakzioa | DONOSTIA

Lezoko ezker abertzalearen egoitzari zigilua kendu zioten atzo eguerdian, Baltasar Garzon Espainiako Auzitegi Nazionalako 5. Instrukzio epaitegiko epaileak hala aginduta.

Kaleko jantzitako bi ertzain eta idazkari judiziala —itxieran izan zen bera— agertu ziren atzo Lezoko Ibaiondo etxera, eta, Mikel Mitxelena Lezoko Batasuneko zinegotzia lekuko zela, egoitzako garajeari eta hirugarren solairuari zigilua kendu zieten. Hainbat udaltzain ere bertan izan ziren, zigiluak kendu artean.

Ibaiondo etxeko bi solairuak,

Tiñelu herriko tabernaren ondoko etxeak, Baltasar Garzon beraren aginduz itxi zituen Erztaintzak, aurtengo abuztuaren 28ko gauean.

Auzitegi Nazionalako epaileak Batasunaren jarduera oro lege kanpokotzat jo ondoren agindu zuen egoitzen itxiera. Ibaiondo etxeko garajeaz eta hirugarren solairuko bilera gela gain, beste 25 egoitza ere itxi zituzten Araban, Bizkaian, Gipuzkoan eta Nafarroan, Erztaintzak, Guardia Zibilak eta Espainiako Poliziak. Lezokoa berriro zabalik, Gipuzkoan hiru lokalek jarraitzen dute itxirik, Bizkaian bederatzik, Araban batek, eta Nafarroan hamabik.

Eusko Legebiltzarraren aurka ekin behar ote den galdetu dio Garzonek Estatuko Fiskaltzari

Agentziak | MADRIL-GASTEIZ

Baltasar Garzon epaileak Eusko Legebiltzarraren Mahaiko kideen aurka ekinbideak abiatzeko aukeraz galdetu dio Estatuko fiskal nagusi Jesus Cardenali, Sozialista Abertzaleak legebiltzar taldea desegiteari uko egin ziotelako. Balizko zigor ekinbideak, Sozialista Abertzaleak taldea desegitearen aurka bozkatu zuten mahaikideen aurka soilik abiaraziko lirateke, Mahaiaren

erabakian kide bakoitzak zer boto eman zuen jasotzen baita. EAJ, EA eta EB-IUko mahaikideek desegitearen aurka bozkatu zuten, Batasunaren jarduerak lege kanpoko jotzen dituen autoak Legebiltzarraren autonomia urratzen duela iritzita.

Atzo, bestalde, Eusko Legebiltzarreko Bozeramaileen Batzordeak atzera bota zuen Garzoni laguntzarik ez emateko Sozialista Abertzaleek eginko lege besteko proposamena.

Fiskaltzak Batasunak eginiko errefusatzeen aurkako txostena igorri dio Gorenari

Agentziak | MADRIL

Milagros Calvo epailearen aurka Batasunak eginiko errefusatzeari ez onartzeko galdegin dio Fiskaltzak Espainiako Auzitegi Goreneko Sala Bereziari, alderdiaren lege kanporatzeaz erabaki behar duen epaimahaiari.

Francisco Jose Hernando eta Angel Rodriguez Garciaren errefusatzeei buruz ere irizpide bera agertuko dutela adierazi dute Fiskaltzako iturriek.

Auzian «interes zuzena edo zeharkakoa» izatea egotzi zien Batasunak hiru magistratuei, eta haien errefusatzeari eskatu zuen. Auzitegi Gorenak datoren asteartean erabakiko du errefusatzeari onartzen dituen edo ez. Clemente Auger ere errefusatu zuten, eta hark onartu zuen auzitik kanpo geratzeari.

SEGI. Beste gazte bati pareta baten aurka tindua botatzea leporatu diote



BOB EDMIE

Gazte bat epaitu dute polizia bat «iraintzeagatik»

Frederic Karrikart Segiko kidea epaitu zuten atzo, Poliziaren kontrako «iraina» zekarren elastiko bat soinean eramateagatik. Iazko martxoan atxilotu zuten, eta urrian epaitu. Epaileak, ordea, bertze akusazio bat eman zion ondotik, eta, beraz, auzia berri hasi behar zen. Prokuradoreak baldintzapeko bi hilabeteko kartzela zigorra eta 250 euroko isuna eskatu zituen atzo gazte horrentzat, kamiseta sesitzeaz aparte. Erabakia azaroaren 28an jakiko da.

Ondotik, bertze gazte bat epaitu zuten. Martxoan, FNren aurkako elkarretaratze batean, pareta baten aurka tindua botatzea leporatzen zioten. Akusazioa ukatu zuen, eta epaileak ez ziren gai izan deus frogatzeko. Prokuradoreak berak eskatu zuen xuritua izan zedin. Epaitegiaren atarian elkarretaratzea egin zuten atzo. CRS ugari zegoen, baina ez zen istilurik izan. Askatasunak «gazteriaren kriminalizazioa» salatu zuen.

LABURREAN

Iñaki Gracia, Juan Antonio Olarra Guridi eta Fabianne Tapia epaituko dituzte urtarrilaren 9an eta 10ean

Parisko Zigor Auzitegiak urtarrilaren 9 eta 10erako jarri du Iñaki Gracia, Juan Antonio Olarra Guridi eta Fabianne Tapiaren epaiketa. Horiekin batera, beste sei lagun ere epaituko dituzte ihesean. Graciaren abokatuak euskara itzultzailea eskatu zuen, baina epaileak ukatu egin dio, akusatuen frantsesa primeran ulertzen duela esanez. Gainera, izatekotan gaztelania-ko itzultzailea izango zuela esan zion, «Espainian jaio delako».

Donostiatik Bilhorako trenbidean suzko barrikada jarri dute

Euskotren konpainiak Donostiatik Bilbora egiten duen bidea itxi zuten atzo 18:00ak aldean zenbait lagunek Donostian, Morlans auzoan, suzko barrikada batekin. Bereziki Barandalla presoaren egoera salatzeko egin zuten, EGUNKARIARI eginiko deian esan zuten, eta «salbuespen egoera» salatzeko.

Bi preso askatzearen kontrako helegiteak onartu ditu epaileak

Ruth Alonso epaileak tramiterako onartu ditu Ramon Gil Ostoa eta Jose Ramon Basauriren askatzearen kontra fiskalak jarritako helegiteak. Hala ere, ez ditu berak aztertuko apelazio helegiteak, aurtengo udaz geroztik Espainiako Auzitegi Nazionalaren esku baitago mota horretako helegiteei buruz erabakitzea.

Zarauzko PPko junta berritzeko saioan izan da Mayor

Jaime Mayor Orejak parte hartu zuen atzo Zarauzko PPren herri batzordea berritzeko saioan. Gipuzkoako herri horretako sagardotegi batean egin zuten ekitaldia, hotel batek ezezkoa eman ondoren. Mayorrek esan zuenez, hotelaren jabeek mehatxuak jasan dituzte aurreko batean lekua utzi zitelako. Carlos Iturgaitz eta Maria San Gil ere ekitaldian izan ziren.

ZARAUZKO UDALA

IRAGARKIA

Salbideko (Iturribidea 16) 15 etxebizitzak saltzeko espedienteak. Onartuen eta baztertuen behin-betiko zerrenden onarpena

Zarauzko Udalak, 2002ko urriaren 30ean egindako osoko bilkuran, erabaki zuen Gobernu Batzordeak, 2002ko irailaren 12ko bilkuran, behin-behineko onartu zituen aukeratu eta baztertuen zerrenda behin-betiko bihurtzea, onartu diren alegazioak eragindako aldatetekin.

Ondorioz, behin-betiko zerrenda honela geratu da:

Eskabideak, guztira	883
Onartutako eskabideak (1)	594
Kanpoan utzitako eskabideak(2)	289

(1) Horieta 3 motrizitate minusbalia duten pertsonentzat egokituakotako etxebizitzarako

(2) Horieta biek parte-hartzeari uko egin diote.

Behin-betiko zerrenda erabaki duen akordioa bide administratiboan imo bihurtzen denean egingo dira etxebizitzak esleitzeko zozketa eta ondorengo izapideak. Agirian xedatutakoaren arabera, esleipenak behin-behineko izaera izango dute esleidun onartuak izateko baldintzak betetzen dutela egiaztatzen arte.

Denak jakinarren gainean egon daitezten argitaratzen da.

Administrazio-bidean behin-betiko den erabaki honen aurka, jarraian agertzen diren ERREKURTSOAK aurkeztu ahal izango dira:

- BERRAZTERTZEKO ERREKURTSOA: aukerazkoa, egintza eman duen organoaren beraren aurrean, iragarkia hau argitaratzen denetik kontatzen hasita HILABETEKO epean. Errekurtsa aurkeztu eta hilabete igarota ebazpena jakinarazi ez bada, orduan errekurtsa onartu ez dela ulertuko da. Edota, zuzenean,

- ADMINISTRAZIOAREKIKO AUZIERREKURTSOA: Euskal Herriko Auzitegi Nagusian, iragarkia argitaratzen denetik kontatzen hasita BI HILABETEKO epean; edota, administrazio-isilunearen bidez onartu ez bada, sei hilabeteko epean. Hori guztia, egoki irizten den beste edozein errekurtso bide ere erabiltzeari kalterik egin gabe.

Zarauz, 2001eko azaroaren 11n.
Alkatea,
Iz.: Maite Etzaniz Balentziaga.